



-UPRAVNI ODBOR-

Broj: 02-28-9/25

Sarajevo, 13. 10. 2025. godine

Na osnovu člana 59. stav (2) tačka b) Zakona o visokom obrazovanju („Službene novine Kantona Sarajevo“, broj 36/22 i 28/25), člana 60. Statuta Univerziteta u Sarajevu, a u vezi sa članom 122. Pravilnika o radu Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, uz prethodno mišljenje Odbora za normativna pitanja Univerziteta u Sarajevu, broj: 0105-3793-2/25 od 18. 04. 2025. godine, na prijedlog Senata Univerziteta u Sarajevu, broj: 01-3-47/25 od 26. 03. 2025. godine, ponovno razmatrajući prijedlog Izmjena i dopune Pravilnika o radu Univerziteta u Sarajevu, Upravni odbor Univerziteta u Sarajevu je na svojoj 41. redovnoj sjednici, održanoj dana 13. 05. 2025. godine, *d o n i o*

O D L U K U**I**

Usvajaju se Izmjene i dopune Pravilnika o radu Univerziteta u Sarajevu.

II

U Pravilniku o radu Univerziteta u Sarajevu broj: 02-2-4-1/24 od 30. 01. 2024. godine, u članu 20., iza dosadašnjeg stava (4) dodaju se novi stavovi (5) i (6) koji glase:

„(5) Za obavljanje rukovodnih poslova rektora i prorektora Univerziteta imenovana lica ostvaruju pravo na osnovnu plaću, funkcionalni dodatak i druge nakade plaće u skladu sa kolektivnim ugovorom i Pravilnikom o plaćama i naknadama Univerziteta u Sarajevu, koje se isplaćuju iz sredstava budžetskog korisnika Rektorata Univerziteta u Sarajevu.

(6) Lica iz stava (5) ovog člana zaključuju poseban ugovor bez zasnivanja radnog odnosa o obavljanju rukovodnih poslova, kojim se uređuju prava, obaveze i odgovornosti na Univerzitetu, a koji u ime Univerziteta zaključuje Upravni odbor.“

III

Ova Odluka stupa na snagu danom donošenja, a počinje se primjenjivati osmog dana od dana objave na internet stranici Univerziteta.

O b r a z l o ž e n j e

Upravnom odboru Univerziteta u Sarajevu upućena je, uz prethodno mišljenje Odbora za normativna pitanja Univerziteta u Sarajevu, broj: 0105-3793-2/25 od 18. 04. 2025. godine, Odluka Senata Univerziteta u Sarajevu od 26. 03. 2025. godine, sa prijedlogom da se izvrše izmjene i dopune Pravilnika o radu Univerziteta u Sarajevu broj: 02-2-4-1/24 od 30. 01. 2024. godine.

Rektor Univerziteta u Sarajevu u propisanom postupku u skladu sa članom 65, a u vezi sa članom 59. stav (2) tačka b) Zakona o visokom obrazovanju, članom 60. tačka s), članom 288. stav (1) i

stav (2) Statuta Univerziteta u Sarajevu, nakon provedene javne rasprave, putem Senata Univerziteta u Sarajevu, predlaže Upravnom odboru Univerziteta u Sarajevu donošenje izmjene i dopune Pravilnika o radu Univerziteta u Sarajevu, broj: 02-2-4-1/24 od 30. 01. 2024. godine. Predloženom izmjenom i dopunom Pravilnika o radu Univerziteta u Sarajevu, broj: 02-2-4-1/24 od 30. 01. 2024. godine vrši se izmjena i dopuna člana 20. Pravilnika o radu, kojim se regulira radno-pravni status rukovodnih lica.

S tim u vezi, Upravni odbor Univerziteta u Sarajevu je na 37. redovnoj sjednici održanoj 13. 05. 2025. godine odložio razmatranje dostavljenog Prijedloga i konstatirao da je u Pravilniku o radu Univerziteta u Sarajevu neophodno regulirati pravni status rukovodnih lica, imajući u vidu da su po sili zakona izabrana rukovodna lica Univerziteta u Sarajevu u radnom odnosu na nekoj članici Univerziteta u Sarajevu. U nastavku, rektor Univerziteta u Sarajevu je uputio usklađeni Prijedlog izmjene i dopune Pravilnika o radu Univerziteta u Sarajevu.

Imajući u vidu naznačeno, Upravni odbor Univerziteta u Sarajevu je donio odluku kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Članicama Univerziteta u Sarajevu
- Generalnom sekretaru Univerziteta u Sarajevu
- U dokumentaciju Upravnog odbora Univerziteta u Sarajevu
- Internet stranica
- Arhivi